

Na osnovu člana 16. stav (4) Zakona o Vladi Zeničko-dobojskog kantona – Prečišćeni tekst („Službene novine Zeničko-dobojskog kantona“, broj 7/10), na prijedlog Ministarstva unutrašnjih poslova, Vlada Zeničko-dobojskog kantona, na 28. sjednici, održanoj 24.05.2024. godine, d o n o s i:

ZAKLJUČAK

I

Prihvata se Mišljenje Ministarstva unutrašnjih poslova Zeničko-dobojskog kantona, broj: 08-02-06/1-02-1-979-1/24 od 29.04.2024. godine, dato po inicijativi poslanika u Skupštini Zeničko-dobojskog kantona Kapković Alena, a vezano za izmjene i dopune Zakona o nabavljanju, držanju i nošenju oružja i municije-Prečišćen tekst.

II

Zaključak sa Mišljenjem iz tačke I. ovog Zaključka upućuje se u dalju skupštinsku proceduru.

III

Zaključak stupa na snagu danom donošenja.

Broj: 02-_____/24
Datum, 24.05.2024. godine
Zenica

PREMIJER

Nezir Pivić

DOSTAVLJENO:

1x Ministarstvo unutrašnjih poslova,
1x Stručna služba Skupštine,
1x a/a.



Broj: 08-02-06/1-02-1-979-1/24.

Datum: 29.04. 2024. godine.

Stručna služba Skupštine Zeničko-dobojskog kantona uputila je ovom ministarstvu inicijativu poslanika u Skupštini Zeničko-dobojskog kantona Alena Kapkovića, za izmjene i dopune Zakona o nabavljanju, držanju i nošenju oružja i municije-Prečišćeni tekst ("Službene novine Zeničko-dobojskog kantona", broj: 9/13, 1/14 i 13/18), radi davanja mišljenja povodom pokrenute inicijative. U tom smislu Ministarstvo unutrašnjih poslova Zeničko-dobojskog kantona daje s l j e d e ć e:

MIŠLJENJE

Podnesena inicijativa podrazumijeva izmjene Zakona o nabavljanju, držanju i nošenju oružja i municije-Prečišćeni tekst, u smislu da se:

- a) izmijeni član 6. tako da stav j) glasi „Snajper je optički nišan za oružje koji nije potrebno upisivati u oružni list i da se briše stav bb) istog člana kojim je propisano da je optički nišan naprava kojom se oružju povećava preciznost;
- b) izmijeni član 8. tako da stav 2. tačka c) glasi „da lice nije osuđivano za krivično djelo, odnosno da se protiv lica ne vodi istraga ili krivični postupak;
- c) u članu 9. stav 9) propiše da se izlazak na teren i kotrola policijskih službenika ne odnose na lica koja već posjeduju registrovano lovačko oružje;
- d) u članu 12. na kraju stava 1) doda da je policijska stanica obavezna za svaku pušku izdati pojedinačan oružni list, da se stav 2) istog člana izmijeni tako da glasi da „Vlasnik oružja treba omogućiti uvid policijskom službeniku u oružni list, te da se prilikom kontrole od strane policijskog službenika, ukoliko vlasnik kod sebe ne posjeduje oružni list, istom izriče novčana kazna u iznosu od 200,00 KM, da se stav 7) istog člana izmijeni tako da glasi „da je imalac oružja dužan platiti prekršajni nalog u iznosu od 500,00 KM ukoliko ne ispuni uslove ili ne podnese zahtjev za produženje važnosti oružnog lista u roku iz stava 6) člana, odnosno ne postupi po pismenom obavještenju policijske stanice o isteku oružnog lista i da se stav 8) istog člana izmijeni tako da glasi „da je u slučaju da lice u roku od 30 dana od dana izrečenog prekršajnog naloga, ne podnese zahtjev za produženje važnosti oružnog lista, nadležna policijska stanica obavezna u roku od 60 dana donijeti rješenje o oduzimanju oružja, municije i oružnog lista;
- e) briše član 17. (Snajper);
- f) u članu 27, stav 4) izmijeni tako da glasi „Van lovišta, odnosno strelišta, vatreno i vazdušno oružje mora držati ili nositi prazno u futroli, preklopljeno ili sa izvađenim zatvaračem;
- g) u članu 38. propiše da oduzeto oružje vlasnik oružja može prodati ili pokloniti trećem licu u roku od 30 dana od dana oduzimanja, a u slučaju da isto proda nadležna policijska stanica vlasniku pripada novčana naknada.

Ministarstvo unutrašnjih poslova Zeničko – dobojskog kantona, ne podržava Inicijativu za izmjene i dopune Zakona o nabavljanju, držanju i nošenju oružja i municije-Prečišćeni tekst ("Službene novine Zeničko-dobojskog kantona", broj: 9/13 i 1/14) iz sljedećih razloga:



Trg BiH br.1.Zenica, Tel. 032/449-249,

www.mupzdk.gov.ba

E-mail: mupzdk@mupzdk.gov.ba

-Inicijative pod tačkama a) i e) ne podržavamo iz razloga što se u skladu sa važećim propisima, o vatrenom oružju u posjedu građana kao i o svim dijelovima oružja vodi propisana evidencija, radi efikasnog praćenja i kontrole nad oružjem i njegovim dijelovima, u cilju postizanja sveobuhvatnog nadzora nad oružjem i njegovim dijelovima kao opasnoj stvari, tako da je isto predviđeno i u većini propisa o oružju u kantonima Federacije. U odnosu na vatreno oružje, snajper se može nabaviti bez odobrenja, samo sa obavezom prijavljivanja u roku od 8 dana od dana izvršene nabavke, radi vođenja evidencija, nakon čega se u oružni list unose podaci o snajperu kao i bilješke o dijelovima oružja, tako da je akcenat u ovom slučaju primarno na ovoj obavezi prijavljivanja snajpera, gdje postupanje ili ne postupanje po istoj proizvodi određene posljedice, a upis činjenice o nabavci snajpera za držaoca oružja može samo da znači da je isti postupio u skladu sa zakonskom obavezom prijavljivanja. S tim u vezi, napominjemo da je ovo Ministarstvo u procesu obaveznog usklađivanja propisa o oružju sa EU regulativom o posjedovanju oružja, u skladu sa kojima, između ostalog, nadležna policijska stanica obavezno vodi evidencije o svim nabavljenim dijelovima za oružje.

-Inicijativa pod tačkom b) ne prihvata se iz razloga što je opšti uslov iz člana 8. stav 2. tačka c) Zakona, propisan tako da se od uslova da lice nije osuđivano za krivično djelo, odnosno da se protiv lica ne vodi istraga ili krivični postupak, izuzimaju krivična djela protiv bezbjednosti javnog saobraćaja, što je u smislu zaštite temeljnih ljudskih vrijednosti (života, zdravlja i tjelesnog integriteta čovjeka) i u praksi dovoljno oštro postavljen uslov (koji je na isti ili sličan način propisan u svim propisima o oružju na području Federacije BiH), kojim se u potpunosti ostvaruje intencija zakonodavca da se propisivanjem svih opštih i posebnih uslova spriječe zloupotrebe oružja, tako da vlasnici oružja prođu kroz temeljne provjere prije dozvole nabavke oružja, pri čemu krivična djela protiv bezbjednosti javnog saobraćaja ne nose visok stepen društvene opasnosti koji bi uputio na opravdanost obuhvatanja naprijed navedenim uslovom,

-Inicijativa pod tačkom c) u pogledu izmjene člana 9. stav 9) Zakona, tako da se isti ne odnosi na lica koja već posjeduju registrovano lovačko oružje, ne prihvata se iz razloga, što je postupak utvrđivanja ispunjenosti uslova za izdavanje odobrenja za nabavku oružja obavezan za sve podnosiocje zahtjeva, bez obzira na to da li isti već u posjedu imaju vatreno oružje, odnosno da li su već prošli provjeru uslova za siguran smještaj i čuvanje oružja prilikom nabavke oružja, te napominjemo da se radi o uslovu koji vlasnik mora ispunjavati sve dok drži ili nosi vatreno oružje, a ne samo prilikom utvrđivanja uslova za nabavku oružja,

-Inicijativa pod tačkom d) da se vlasniku oružja za svaku pušku izdaje pojedinačan oružni list, ne prihvata se iz razloga ekonomičnosti, jer bi isto iziskivalo veće finansijske izdatke za vlasnike oružja koji posjeduju više komada istog, te napominjemo da većina kantona na području Federacije u svojim propisima ima isto rješenje u pogledu upisa više komada vatrene oružja na jednom oružnom listu.

U pogledu inicijative da se vlasniku oružja, koji prilikom kontrole od strane policijskih službenika ne posjeduje kod sebe oružni list, predvidi izricanje novčane kazne u iznosu od 200,00 KM, ističemo da je članom 55. Zakona o nabavljanju, držanju i nošenju oružja i municije već propisano da će se novčanom kaznom od 200,00 KM do 1.000,00 KM kazniti za prekršaj fizičko lice koje drži ili nosi oružje bez oružnog lista kada je za držanje ili nošenje tog oružja potreban oružni list ili na zahtjev policijskog službenika ili drugog ovlaštenog lica Ministarstva ne omogući uvid u to oružje ili oružni list.

Nadalje, ne prihvata se inicijativa da se vlasniku oružja, ukoliko isti ne ispuni uslove ili ne podnese zahtjev za produženje važnosti oružnog lista u roku iz člana 12. stav 6) Zakona, predvidi izricanje novčane kazne u iznosu od 500,00 KM, obzirom da navedene radnje ne nose obilježje prekršaja koji nosi određene društvene posljedice po sigurnost, te posljedice istih utiču samo na vlasnika oružja u smislu prestanka prava na dalje držanje i nošenje oružja, obzirom da je u navedenim slučajevima, u skladu sa važećim Zakonom, nadležna policijska stanica dužna

donijeti rješenje o oduzimanju oružja, municije i isprava, te je ovakvo zakonsko rješenje identično u svim kantonima Federacije.

Takođe, važećim Zakonom nije propisano da policijska stanica pismeno obavještava o isteku roka važnosti oružnog lista, te u vezi inicijative za izmjene člana 12. stav 7) Zakona, ističemo da je na oružnom listu naznačen rok važenja oružnog lista, kao i napomena o obvezi vlasnika oružnog lista iz člana 12. stav 6. Zakona o nabavljanju, držanju i nošenju oružja i municije, da u roku od 60 dana, prije isteka važnosti oružnog lista, može podnijeti zahtjev za produženje važnosti oružnog lista nadležnoj policijskoj stanici, iz čega proizilazi da je vlasnik oružja, kao korisnik datog prava na držanje i nošenje oružja, upoznat i sa svojim zakonskim obavezama koje iz tog prava proizilaze.

-Inicijativa pod tačkom f) ne prihvata se iz razloga što se ovako propisanim načinom nošenja vatrenog i vazdušnog oružja van lovišta, odnosno strelišta, adekvatno ostvaruje intencija zakonodavca da se navedeno oružje ne može lako upotrijebiti van mjesta predviđenih za upotrebu istog, odnosno da se isto bezbjedno prenosi. Obzirom da predlagač inicijative nije naveo razloge zbog kojih predlaže izmjenu koja u suštini podrazumijeva više radnji za vlasnike oružja pored već propisanih, smatramo da je intencija predloženih izmjena ista kao naprijed navedena, a sve sa ciljem sigurnijeg nošenja oružja, što je već obuhvaćeno pozitivnim propisom,

-Inicijativa pod tačkom g) ne prihvata se iz razloga što se radi o oružju koje je nabavljeno ili se drži bez propisanog odobrenja za nabavljanje, bez oružnog lista ili bez propisanog odobrenja za držanje, što je Zakonom o nabavljanju, držanju i nošenju oružja i municije, propisano kao krivično djelo, za koje se obavezno izriče mjera sigurnosti oduzimanje oružja, dijelova za oružje, municije i oružnog lista, jer se radi o ilegalnom oružju, koje nije dozvoljeno te se isto oduzima bez prava na naknadu, slijedom čega je ovakvo zakonsko rješenje identično u svim kantonima Federacije.

S poštovanjem!

Dostavljeno: 2 x Naslovu,
1 x a/a



MINISTAR

Emir Vračo